



# МАҲАЛЛАБАЙ ИШЛАШ ТИЗИМИ НАТИЖАДОРЛИГИ ТАНҚИДИЙ ТАҲЛИЛ ҚИЛИНДИ

### Президент Шавкат Мирзиёев раислигида 19 апрель куни маҳаллабай ишлаш тизими натижадорлигини ошириш ҳамда аҳоли бандлигини таъминлаш масалалари юзасидан видеоселектор йиғилиши бўлиб ўтди.

Бу вазифалар ижроси кўп жihatдан ҳудудлардаги иқтисодийта боғлиқ. Шу боис яқинда тадбиркорликни ривожлантириш учун 500 миллион доллар ва 2 триллион сўмдан зиёд маблағ йўналтирилиши белгиланди. Айни пайтда тадбиркорларни энг безовта қилаётган солиқ маъмуричилиги, текширувлар, рухсатномалар тартиби енгиллаштирилди.

Йиғилишда шу ишларни кўйи тизимда ташкил этиб, маҳаллаларни иқтисодий ривожлантириш, ижтимоий муаммоларни ҳал қилиш чора-тадбирлари муҳокама қилинди.

Ўзбекистон Республикаси Президентининг 2021 йил 3 декабрдаги Фармонида мувофиқ, ҳар бир маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокимининг ёрдамчиси лавозими таъсис этилган эди. Бу — янги тизим. Уни тўғри йўлга қўйиб олиш жуда муҳим.

Шу боис йиғилишда ҳоким ёрдамчилари фаолиятининг дастлабки натижалари кўриб чиқилди. Қайд этилганидек, улар уч ой давомида 6 мил-

лион 900 минг хонадонни хатловдан ўтказиб, 4 та тоифага ажратган. Хонадонларнинг 11 фоизи кам даромадли, 47 фоизи кўшимча даромадга эҳтиёжи бор, 6 фоизи ижтимоий ҳимояга муҳтож, 36 фоизи ўзига тўқ оилалар экани аниқланган. Шунга қараб маҳаллий раҳбарлар фаолияти манзилли ташкил этилиб, минглаб фуқароларнинг ишга жойлашиши, касб-ҳунар ўрганишига кўмаклашилган.

Шу уч ойда ҳоким ёрдамчиларининг ташаббуси билан 50 мингта оилавий тадбиркорлик лойиҳалари учун 1 триллион 300 миллиард сўм кредит ва 20 миллиард сўм субсидия ажратилган. Натижада жойларда 47 мингта янги тадбиркорлар фаолияти йўлга қўйилган, 8 мингта кичик саноат ва сервис лойиҳалари ишга туширилган.

Давлатимиз раҳбари энг яхши натижа кўрсатган ҳоким ёрдамчиларини муқофотлашга кўрсатма берди.

Лекин ҳали натижа сезилмаётган маҳаллалар кўп. Мисол учун, 450 та маҳаллада ишсизлик даражаси 20 фоиздан юқори.

Танқидий руҳда ўтган йиғилишда шундай ҳудудлар кўрсатиб ўтилди ва уларнинг

ҳокимлари огоҳлантирилди. Бир қатор шаҳар ва туман ҳокимларининг ўринбосарлари, сектор бошлиқлари вазифасидан озод қилинди.

— **Одамларни рози қилмаган, инсон қадрини тушунмаган раҳбарларга орамизда ўрин йўқ, — деди Шавкат Мирзиёев.**

Ўрганишлар давомида “қоникарсиз” деб баҳоланган маҳаллалардаги ҳолатни яхшилаш бўйича кўрсатмалар берилди. Бунинг учун бюджет харажатларини оптималлаштириш ҳисобидан 800 миллиард сўм ажратилди.

Энди ҳар бир маҳалла ихтисослашуви бўйича қўллаб-қувватлашни таъкидланди.

Мисол учун, 2 минг 500 та маҳалла чорвачилик, паррандчилик, балиқчилик, асаларчиликка ихтисослаштирилган. Улар кўшимча қўллаб-қувватлашиб, омилкор одамларга инкубатор, хонаки товуқ, асалари уялари етказиб берилса, аҳоли даромади янада ошади.

Умуман, хонадонларда чорвачилик, паррандчилик, балиқчилик, асаларчилик йўналишларида 140 минг нафар аҳоли бандлигини таъминлаш мумкинлиги айtilди. Хунармандчилик, тикувчи-

лик, қосибчилик, қандолатчилик каби кичик ишлаб чиқариш лойиҳаларини маҳалланинг ўзида кенгайтириш бўлади. Президентимиз шу мақсадда бундай маҳаллаларда микросаноат марказлари ташкил этиш ташаббусини маъқуллади.

Жорий йилда бу мақсадларга 500 миллиард сўм йўналтирилиши, ушбу марказлар 5 йил муддатга ер ва мол-мулк солиғидан озод қилиниши белгиланди.

Шунингдек, жойларда аниқланган бўш бино-иншоотлардан самарали фойдаланиш, уларни сотиш ёки ижарага беришдан тушган маблағларни ўша маҳалланинг инфратузилмасини ривожлантиришга сарфлаш зарурлиги қайд этилди.

Хотин-қизлар ва ногиронлиги бор шахсларни иш билан таъминлашда қўлай йўналиш бу — касаначилик. Шу мақсадда Ўзбекистон Президентининг касаначиликни ривожлантириш асосида аҳоли бандлигини таъминлашга доир қарори имзоланди.

Энди касаначилар билан ишлайдиган тадбиркорларга оилавий тадбиркорлик дастуридан 500 миллиард сўм йўналтирилади. Кредитлар бўйича Тадбиркорлик жамгар-

масидан 75 фоизлик кафилик берилди ҳамда фоиз харажатларининг 10 фоиздан юқори қисми қоплаб берилди.

Шунингдек, касаначиларга ўзини ўзи банд қилган фуқаролар каби фақат ижтимоий солиқ тўлаш имконияти яратилди, олис ҳудудда ишлаётган касаначиларнинг дастлабки 1 ойлик иш ҳақи давлат томонидан қопланади.

Вилоят ҳокимларига ушбу имкониятлардан фойдаланиб, эҳтиёжманд аҳоли бандлигини таъминлаш бўйича кўрсатмалар берилди.

Ўртимизда 2 мингдан зиёд маҳаллалар хизматлар соҳасига ихтисослаштирилган. Бундай ҳудудларни кўпайтириш мақсадида аҳолиси 20 мингдан ошадиган маҳаллаларда чакана савдо ва хизмат кўрсатиш марказлари ташкил этиш зарурлиги таъкидланди. Бу марказлар ҳам 5 йил муддатга ер ва мол-мулк солиғидан озод этилади.

Видеоселектор йиғилишида ҳокимлар, уларнинг ёрдамчилари маҳаллабай ишлаш ва аҳоли бандлигини таъминлаш режалари бўйича ахборот берди.

Ў.А.

## Семинар

### МАҲАЛЛИЙ КЕНГАШЛАР ДЕПУТАТЛАРИНИНГ АМАЛИЙ КЎНИКМА ВА МАЛАКАСИ ОШИРИЛДИ

Олий Мажлис Сенати томонидан маҳаллий Кенгашлар фаолиятини самарали ташкил этиш ва уларни методик қўллаб-қувватлаш, депутатларнинг амалий кўникмаси ва малакасини оширишга қаратилган ўқув-семинарлар ташкил этиш аънъанаси айланиб бормоқда.

Кеча парламент юқори палатасида онлайн тарзда ўтказилган ўқув-семинар ҳам ана шу мақсадга йўналтирилганлиги билан аҳамиятли бўлди. Унда халқ депутатлари маҳаллий Кенгашлари тегишли доимий комиссиялари раислари, котибият мутахассислари, маҳаллий ҳокимликлар юридик хизмат вакиллари қатнашди.

Семинарда бир қатор долзарб масалалар атрофида кўриб чиқилди. Маҳаллий вакиллик ва ижро ҳокимияти органларининг норма ижодкорлиги фаолиятида қонунийликни таъминлаш ҳамда ҳуқуқни қўллаш ма-

саласи ана шулар жумласидандир.

Мазкур масала юзасидан Адлия вазирлиги вакили атрофида ахборот берди. Бу иштирокчиларни маҳаллий давлат ҳокимияти органларида норма ижодкорлиги фаолияти бўйича қонун ҳужжатларидаги янгиликлардан хабардор қилишда қўл келди.

Қолаверса, тадбирда маҳаллий вакиллик ва ижро ҳокимияти органлари томонидан ҳуқуқни қўллаш борасида йўл қўйлабётган камчиликлар айтилиб, уларни бартараф этиш юзасидан зарур тавсиялар берилди.



## ЭНЕРГИЯ САМАРАДОРЛИГИ

### ИҚТИСОДИЁТ ТАРАҚҚИЁТИНИНГ АСОСИ

Охириги йилларда Ўзбекистоннинг иқтисодий ўсиш динамикаси барқарорлашди. Бу, табиийки, аҳоли турмуш даражасига ўзининг ижобий таъсирини кўрсатмоқда. Одамларимизнинг тўлов, харид қилиш, умуман, молиявий аҳоли яхшиланмоқда. Бошқа томондан бу омиллар электр энергияси истеъмолининг муттасил ортишига сабаб бўляпти. Яъни 2030 йилгача мамлакатда электр энергиясига бўлган талаб

йилига тахминан 6-7 фоиз ўсиши башорат қилинган. Бирок яқин-яқингача Ўзбекистон бундай сценарийга тайёр эмасдек туюларди. Чунки мавжуд қувватлар ички эҳтиёжини тўлиқ қондириш имконини бермасди. Тезкор чоралар кўриямаса, келгусида энергия тақчиллиги муаммоси юзага келиши мумкин. Шунинг учун мамлакатимиз халқаро ҳамкорлар билан биргаликда муқобил энергия станцияларини қуришига катта эътибор қаратяпти.

## Нуктаи назар

### Форумда қўйилган пойдевор

Тошкент халқаро инвестиция форуми доирасида муҳим воқеа — Сурхондарё вилоятининг Ангор туманида янги иссиқлик электр станцияси қурилиши бошланганига бағишланган маросим бўлиб ўтди.

Умумий қиймати 1 миллиард 200 миллион доллар бўлган ушбу лойиҳа натижасида 1 минг 560 мегаватт қувват яратилади, йилига 12 миллиард килловатт-соат электр энергияси ишлаб

чиқарилади. Лойиҳа доирасида энг замонавий технологиялар ўрнатилиб, йилига 1 миллиард куб метр табиий газ тежалани. Мажмуа Сурхондарёдаги биринчи, охириги йилларда юртимизда барпо этиладиган энг йирик иссиқлик электр станцияси бўлади. Бу ҳудуднинг чексиз иқтисодий салоҳиятини рўйбга чиқаришга катта имкониятлар яратяпти.

Масалан, Сурхондарё ҳудуди нефть, газ, кўмир, қимматбаҳо ва рангли металлургия, кўп турдаги безак тошлар каби 100 дан ортиқ конларга эга бўлса-да, улар етарли даражада ўзлаштирилма-

ган. Шунинг учун келгуси беш йилда бу вилоятда 7 миллиард долларлик 5 мингдан зиёд инвестиция лойиҳаларини рўйбга чиқариш кўзда тутилган. Шунингдек, мазкур станцияда ишлаб чиқариладиган электр энергияси вилоятдаги 500 минг хонадонни ҳам нурга чулғайди. Бундан ташқари, қўшни Афғонистонга йилига камда 3 миллиард килловатт-соат электр энергиясини экспорт қилиш имконияти пайдо бўлади.

Лойиҳа Германиянинг “Siemens Energy”, Франциянинг “IDEE”, Нидерландиянинг “Stone City Energy” компаниялари томонидан давлат-хусусий шериклик асосида амалга оширилади.



## Олий Мажлис Қонунчилик палатасида

### ДОЛЗАРБ АҲАМИЯТГА ЭГА МАСАЛАЛАР ҲУҚУҚИЙ ЖИҲАТДАН МУСТАҲКАМЛАНМОҚДА

Олий Мажлис Қонунчилик палатасининг навбатдаги ялпи мажлиси бўлиб ўтди. Унда суд, кадастр, солиқ ҳамда бошқа муҳим соҳаларни янада такомиллаштириш, улар фаолиятида очиклик ва шаффофликни таъминлашга оид бир қатор қонун лойиҳалари кўриб чиқилди ва қабул қилинди.

### Ахборотлар тўғрисида-тўғри тақдим этиб борилди

Мажлисида “Давлат кадастрлари тўғрисида”ги Ўзбекистон Республикаси Қонунига ўзгартиш ва қўшимчалар киритиш ҳақида”ги қонун лойиҳаси иккинчи ўқишда мод-

дама-модда муҳима қилинди. Ушбу ҳужжатда соҳани янада такомиллаштириш, маълумотлар ҳаққонийлигини таъминлаш масалалари ўз аксини топмоқда. Хусусан, лойиҳа билан “Давлат кадастрлари тўғрисида”ги Қонуннинг 8 та моддасига ўзгартиш ва қўшимчалар киритиш назарда тутилган.



## Кўз ўнгимиздаги ўзгаришлар



# ҚИЗИЛҚУМ БАҲОРИ

Қизилқумга кўклам яна ўз сөгини ёйиб, чор-атроф ажиб бир гўзалликка бурканган. Даракчи гуллар баҳорий эпкинлардан майин тебраниб, офтобнинг хийла тафтсиз нурларидан тусланганча пойандоз бўлибди.

Инсон ҳарчанд уринмасин, чўлда бундайин хушманзарани атай яратиши мушкул. Бу — шу кумликларга меҳр қўйиб Ватан билган, шу ерларда меҳнат қилиб, саратонининг ҳазирамасио қўшининг рутубатини назарига илмаган кишилар — чўпону чўлиқлар ва уларнинг оила аъзоларига она табиатнинг ҳар йилги кўклам совғасидир. Ва табиатгина улар қалбига

сабр-қаноат, шу тупроқни, шу юртни борича севиш, ота-боболари касбини улуглаш ҳиссини жойлашга қодир...

Қизилқум кенгликларидан Навоий вилояти аҳолисининг ўндан бир қисми истиқомат қилади. Чўл эса вилоят ҳудудининг катта қисмининг эгаллаган.

Иқлими ўта континенталь — саратонда иссиқ эллик даражадан

ошса, қил чилласида ҳарорат минус 25 даражагача тушади. Шунинг учун ҳам мамлакатимиз раҳбари 2017 йили қизилқумликлар билан учрашганда мазкур биёбонда яшашнинг ўзи қаҳрамонлик, дея таърифлаб, узоқ йиллар давомида йиғилиб қолган муаммоларни самарали ҳал этиш, ривожлантиришдаги номуаносибликларга барҳам бериш, ишлаб чиқариш ва хизмат кўрсатиш соҳаларини тараққий топтириш, аҳолининг фаровонлигини ошириш, замон талабларига муносиб турмуш шароитларини яратиш, бандлигини таъминлашдек маж-

муавий вазифаларни белгиланган эди. Мутасаддиларга ҳудудда аҳолининг ижтимоий-иқтисодий муаммолари — йўл, транспорт коммуникацияси, алоқа тармоғи, энергетика ва бошқа ҳаётий эҳтиёжлари таъминотини доимий назоратга олиш топшириқлари берилганди.

Шу асосда бугун Учқудуқ туманида йиллар давомида йиғилиб қолган муаммолар изчиллик билан бартараф этилиб, аҳоли бандлигини таъминлаш, тебиий хизмат сифатини яхшилаш, мактаб ва мактабгача таълим муассасалари қамровини кенгайтириш ҳамда

моддий-техника базасини мустаҳкамлаш борасида салмоқли тадбирлар амалга оширилмоқда.

— Шундай даврлар бўлдики, овуларимизда йигирма йил ичида бирор-бир иморат тиклангани эслаб олмайман, — дейди учқудуқлик оқсоқол Абдулла Керимбоев. — Бузилса-бузилдики, бир гишт қўйилган эмас. Мана, бугун қаранг, бир овулда йигирма-йигирма беш ташкилот ишляпти. Ҳар қарич ер ободонлаштириляпти. Буларнинг бариси Президентимиз ташрифининг шарофати билан бўлмоқда.



## Ўзбекистон Республикаси Президенти Ш. МИРЗИЁЕВ

Тошкент шаҳри, 2022 йил 19 апрель

Сенат кўмитасида

БИРИНЧИ ЧОРАҚДА ЯЛПИ ИЧКИ МАҲСУЛОТ ЎСИШИ ТАЪМИНЛАНГАН



Маҳкамаси ҳисоботи ва "Почта алоқаси тўғрисида"ги қонун дастлабки тарзда кўриб чиқилди.

Кеча Олий Мажлис Сенатининг Бюджет ва иқтисодий ислохотлар масалалари кўмитаси мажлиси бўлиб ўтди. Унда 2022 — 2026 йилларга мўлжалланган Янги Ўзбекистоннинг тараққиёт стратегиясини "Инсон қадрини улуғлаш ва фаол маҳалла йили"да амалга оширишга оид Давлат дастурининг биринчи чорақдаги ижроси бўйича Вазирлар

Таъкидланганидек, Давлат дастури ижроси юзасидан шу йилнинг I чорағида 59 та норматив-ҳуқуқий ва бошқа ҳужжатлар қабул қилинган.

Муҳими, бу даврда Ўзбекистон Республикаси Президенти ва Ҳукумати томонидан геосиёсий вазият билан боғлиқ хатарлар юзасидан ўз вақтида кўрилган чоралар натижасида ялпи ички маҳсулотнинг ўсиши ўтган йилнинг шу давридагига нисбатан 5,8 фоизни, шундан ЯИМ таркибида sanoat — 5,7 фоиз, хизматлар — 6,9 фоиз, қишлоқ, ўрмон ва баллиқчилик ҳўжалиги маҳсулотлари 2,8 фоизни ташкил қилган.

Давлат бюджети даромадлари 41,9 трлн. сўмга ижро этилиб, Давлат бюджетининг жами харажатлари 42,9 трлн. сўмни ташкил қилган. Ижтимоий соҳаларга йўналтирилган харажатлар 23,5 трлн. сўм бўлгани ҳолда, амалга оширилган жами харажатлар ўтган йилнинг мос давридагига нисбатан 25,4 фоиз ошган. Жорий йил январь — март ойларида жами қиймати 2 миллиард 448 миллион долларлик хорижий инвестициялар ўзлаштирилиб, прогноз кўрсаткичи 167 фоизга бажарилган.

Кўми таъминоти кун тартибидаги навбатдаги масала — "Почта алоқаси тўғрисида"ги қонун кўриб чиқилди. Қонун билан Вазирлар Маҳкамасининг почта алоқаси соҳасидаги ваколатлари белги-ланмоқда.

Почта алоқасининг хавфсизлиги почта алоқаси сирини ҳимоя қилишга, почта ва курьерлик жўнатмаларининг, почта алоқаси воситаларининг бут сақланганини таъминлашга қаратилган, қонунчиликда белгиланган тадбирлар мажмуидан иборатлиги назарда тутилмоқда.

Почта алоқаси фойдаланувчиларининг ҳуқуқлари ва мажбуриятлари аниқлаштирилмоқда. Хусусан, пул маблағлари ўтказ-маларини почта манзили бўйича ёки йўқлаб олиш тарзида олиш ҳуқуқи кўзда тутилган бўлса, таққиланган моддалар ва предметлар жўнатилишига йўл қўйилмаслиги белгиланмоқда.

Почта алоқаси операторлари ва провайдерлари почта алоқаси хизматлари-ни кўрсатиш бўйича мажбуриятлари бажармаганлик ёхуд лозим даражада бажармаганлик учун фойдаланувчиларга етказилган зарарларнинг ўрнини қонун-чиликка мувофиқ қоплаши мустаҳкам-ланмоқда.

Қонуннинг қабул қилиниши почта алоқаси соҳасидаги тадбиркорликни ривож-лантиришдаги керакисиз бюрократик тўсиқларни бартараф этиш, ишбилармон-лик муҳитини яхшилаш, қўшимча иш ўрин-ларини яратиш имконини беради.

Кўми таъминоти кун тартибидаги навбатдаги масала — "Почта алоқаси тўғрисида"ги қонун кўриб чиқилди. Қонун билан Вазирлар Маҳкамасининг почта алоқаси соҳасидаги ваколатлари белги-ланмоқда.

«Халқ сўзи».

МАҲАЛЛИЙ КЕНГАШЛАР ДЕПУТАТЛАРИНИНГ АМАЛИЙ КўНИКМА ВА МАЛАКАСИ ОШИРИЛДИ

Ўз навбатида, 2021 йил 1 июлдан жорий этилган маҳаллий давлат ҳокимияти органлари томонидан қабул қилинадиган қарорларни ишлаб чиқиш, келишиш ва рўйхатдан ўтказишнинг ягона электрон тизими — "E-qaror"нинг имкониятлари ва қулайликлари ҳақида батафсил ахборот берилди.

"E-qaror" электрон тизими жорий этилиши бугунги кунда қарорларнинг қонунчилик асосида қабул қилинишига, уларни ишлаб чиқишда инсон омили ва аралашуви камайишига, аҳолининг қарорлар билан доимий танишиши имконияти яратилишига ва шаффофлик таъминлашишига хизмат қилмоқда.

Бундан ташқари, семинарда 2022 йилнинг биринчи чорағида ўтказилган ташаббусли бюджет жараёни натижалари, ғолиб лойиҳаларни амалга ошириш учун молиялаштириш масалалари юзасидан Молия вазирлиги вакили ахбороти тингланди.

Маълумки, 2021 йилда Молия вазирлиги томонидан "Очиқ бюджет" (openbudget.uz) платформаси ишга туширилган бўлиб, ушбу платформада "Ташаббусли бюджет" фаолияти ҳам йўлга қўйилган.

"Ташаббусли бюджет" орқали бугунги кунда кенг жамоатчилик ўзлари яшаб турган ҳудуддаги муаммоларни бартараф этиш бўйича лойиҳаларни таққил қилиб, маҳаллий бюджетнинг тақсимлашида бевосита қатнашиб келмоқда.

Семинарда қайд этилишича, 2022 йилнинг биринчи чорағида ўтказилган ташаббусли бюджетлаштириш жараёни натижалари бўйича фуқаролар томонидан илгари сурилган 2 минг 215 та лойиҳа ғолиб деб топилди, уларни амалга ошириш учун жами 1,1 трлн. сўм маблағ йўналтирилиши кўзда тутилган. Бундан ташқари, жараёнда ғолиб деб топилмаган 139 та лойиҳани амалга ошириш учун қўшимча равишда 85,4 млрд. сўм маблағ ажратилиши белгиланди.

Жамоатчилик фикри асосида шакллантирилган ушбу тадбирларнинг ўз вақтида молиялаштирилиши, ижро этилиши, албатта, изчил депутатлик назоратини олиб бориши тақозо этади. Шундан келиб чиқиб, маҳаллий Кенгаш депутатларига шу юзасидан зарур тавсиялар берилди.

"Ташаббусли бюджет" тизими фуқароларни бюджет жараёнига жалб этиш орқали жойларда аҳолини қўйиб келаётган турли муаммоларнинг ечимини топишга бевосита хизмат қилмоқда.

Ўқув-семинарда маҳаллий Кенгаш депутатлари, котибият вакиллари ҳам сўз олиб, кун тартибидаги масалалар юзасидан фикр-мулоҳазаларини билдирди.

«Халқ сўзи».

ДОЛЗАРЪ АҲАМИЯТГА ЭГА МАСАЛАЛАР ҲУҚУҚИЙ ЖИҲАТДАН МУСТАҲКАМЛАНМОҚДА



Кадастр агентлиги Миллий географик ахборот тизимини юритиш соҳасида махсус ваколатли орган ҳисобланиши, давлат кадастрларининг ягона тизими Ўзбекистон Республикаси Миллий географик ахборот тизими шакллантирилиши, давлат кадастрлари маълумотлари ахборот хавфсизлиги талабларига риоя қилган ҳолда тўғридан-тўғри тақдим этиб борилиши ва бошқа нормалар ўз ифодасини топган.

Депутатлар томонидан айтиб ўтилганидек, бугунги кунда мамлакатимизда Миллий географик ахборот тизимини яратиш ва юритиш бўйича тизимли ишлар олиб борилмади. Лойиҳада Миллий географик ахборот тизими техник ва дастурий воситалар, ахборот ресурслари, метамалумотлар базалари ҳамда фазовий маълумотлар сервисларидан иборат бўлиши кўзда тутилмоқда.

Халқ вакиллари қонун лойиҳасини кўриб чиқиш жараёнида мамлакатимиз ва айрим ҳудудлар табиий-иқтисодий салоҳиятининг ягона ҳисоб-китоби юритилиши, соҳадаги ахборот тизимлари, уларда сақланадиган, юритиладиган маълумотларнинг аниқлигини таъминлаш масалаларига алоҳида эътибор қаратди. Қолаверса, лойиҳани таққиллаштиришда қонунни қўллаш амалиётидан келиб чиқиб, айрим тахририй тузатишлар киритилган ҳолда, амалдаги қонун нормаларига мослаштирилди.

Мажлисда қонун лойиҳаси иккинчи ўқишда қабул қилинди.

Суд мажлисларида масофадан туриб қатнашиш имконияти

Суд-ҳуқуқ соҳасидаги ислохотларнинг ҳуқуқий асосларини таққиллаштириш жараёнида жаддалик билан олиб борилапти.

Мазкур тизимдаги ишларни янги босқичга олиб чиқиш мақсадида ишлаб чиқилган "Судлар фаолиятининг рақамлаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳаси парламент кўйи палатасининг навбатдаги мажлисида биринчи ўқишда кўриб чиқилди.

Ўзбекистон Республикасининг процессуал қонунчилигини таққиллаштириш мақсадида Жиноят-процессуал, Маъмурий жавобгарлик тўғрисидаги, Фуқаролик процессуал, Иқтисодий процессуал ва Маъмурий суд ишларини юритиш тўғрисидаги кодексларга тегишли ўзгартиш ҳамда қўшимчалар киритиш назарда тутилмоқда.

Қонун лойиҳаси билан суд иши бўйича тарафларни суд мажлиси ҳақида "SMS" орқали хабардор қилишнинг процессуал асоси белгила-ниб, судга берилган муражаатнинг ҳолатини он-лайн кузатиб туриш имконияти суд иши бўйича тарафларнинг процессуал ҳуқуқи сифатида мустаҳкамланмоқда. Шунингдек, суд мажлисларида суд биносига келмасдан масофадан туриб мобиль видеоконференцалоқа режимида иштирок этишнинг процессуал асоси ва тартиби белги-ланяпти.

Халқ вакиллари қонун лойиҳасини таққиллашчи, қонун лойиҳасининг қабул қилиниши фуқаролар ва тадбиркорлик субъектларининг одил судловга эришиш даражасини оширишга, уларнинг ортқича сарф-харажатларини тежашга, мамлакатимиз-нинг халқаро рейтинглардаги нуфузини кўтариш-га хизмат қилади.

Мажлисда қонун лойиҳаси биринчи ўқишда қабул қилинди.

Лойиҳада янги нормалар акс этмоқда

Халқ вакиллари томонидан "Ўзбекистон Республикасининг айрим қонун ҳужжатларига ўз-гартиш ва қўшимчалар киритиш тўғрисида"ги қонун лойиҳаси ҳам қизғин муҳокама қилинди.

Президентимизнинг 2021 йил 4 августдаги "Аудиторларни сертифицилаштириш тизимини таққиллаштириш бўйича қўшимча чора-тадбир-лар тўғрисида"ги қарори билан тасдиқланган "Йўл харитаси"нинг 8-банди ижросини таъминлаш мақ-

садида ишлаб чиқилган ушбу ҳужжатда бир қатор янгиликлар ўз ифодасини топган.

Хусусан, қонун лойиҳаси билан "Масъулияти чекланган ҳамда қўшимча масъулиятли жамият-лар тўғрисида"ги Ўзбекистон Республикаси Қону-нининг 46-моддасидан мажбурий аудиторлик тек-ширувдан ўтказиш мезонини белгилаш нуқтаи назаридан нормани чиқариб ташлаш таққил-қилинмоқда.

Шунингдек, аудиторлик ташкилотлари томонидан аудиторлик фаолияти соҳасидаги қонунчи-лик талабларига риоя этилаётгани юзасидан "Аудит" дастурий бажмаси орқали масофавий мониторинг олиб бориш, ижтимоий аҳамиятга эга хусусиятни ифодаловчи сифат мезонлари асо-сида ҳар йили мажбурий аудиторлик текширув-дан ўтиши лозим бўлган ташкилотлар рўйхатини шакллантириш назарда тутиляпти.

Қайд этилганидек, қонун лойиҳасида таққил-қилинаётган ўзгартиш ва қўшимчалар охириги йил-ларда қабул қилинган норматив-ҳуқуқий ҳужжат-лардан келиб чиқадиган нормаларни ҳисобга ол-ган ҳолда аудиторлик фаолияти соҳасини нор-матив-ҳуқуқий жиҳатдан тартибга солиш имко-нини беради.

Мажлисда қонун лойиҳаси депутатлар томонидан биринчи ўқишда концептуал жиҳатдан қабул қилинди.

Солиқ имтиёзлари бериш кўзда тутилмоқда

Мажлисда, шунингдек, "Ўзбекистон Респу-бликасининг Солиқ кодексига ўзгартиш ва қўшим-чалар киритиш тўғрисида"ги қонун лойиҳаси би-ринчи ўқишда кўриб чиқилди.

Мазкур ҳужжат билан электрон тижорат иш-тирокчиларига, уларнинг миллий реестрига ки-ритилган ёки киритилмаганлигидан қатъи назар, фойда солиғи ҳамда айланмадан олинадиган солиқ бўйича имтиёзлар берилиши, янги барпо этилаётган боғлар, тоқорлар ва тузторлар эгаллаган ерларга юридик шахслардан олинди-ган ер солиғи бўйича имтиёзли давр уч йилдан беш йилга узайтирилиши белгилаётир.

Шунингдек, болалиқда ногиронлиги бўлган шахслар ҳамда I ва II гуруҳ ногиронлиги бўлган шахслар учун даромад солиғи бўйича белгилан-ган имтиёз меҳнатга ҳақ тўлашнинг энг кам миқ-дорининг 1,41 бараваридан 3 бараваригача оши-рилиши назарда тутилмоқда.

Шу билан бирга, 2022 йил 1 январдан 2031 йил 1 январга қадар бўлган даврда Қорақалпо-ғистон Республикасининг Мўйноқ туманидаги ма-ҳаллий sanoat, қишлоқ ҳўжалиги ва хизматлар соҳаларидаги тадбиркорлик субъектларига фой-да солиғи, айланмадан олинадиган солиқ, ижти-моий солиқ ва жисмоний шахслардан олинди-ган даромад солиғини 1 фоиз миқдорда тўлаш ҳамда мол-мулк солиғи, ер солиғи ва сув ре-сурсларидан фойдаланганлик учун солиқ ставка-ларини мазкур солиқ ставкаларни бўйича ҳисоб-ланган суммадан 1 фоиз миқдорда тўлаш ша-клидаги имтиёзлар бериш кўзда тутиляпти.

Қизғин муҳокамадан сўнг қонун лойиҳаси депутатлар томонидан биринчи ўқишда концеп-туал жиҳатдан қабул қилинди.

Ерга бўлган муносабатларда янги қоидалар ўрнатилади

Ер — бебаҳо ҳазина. Унга бўлган муносабат-ларда буткул янгича тартиб-таомиллар ўр-натилляпти. Хусусан, мерос қилиб қолдирилмаган умрбод эгалик, доимий эгалик, вақтинча фойда-ланги ҳуқуқлари билан ер ажратиш каби бозор иқтисодиёти таомилларига мос бўлмаган амалиётлар тугатилди.

Депутатлар "Қишлоқ ҳўжалигига мўлжаллан-ган ер участкаларини ижарага бериш тартиби соддалаштирилиши муносабати билан Ўзбеки-стон Республикасининг Ер кодексига ўзгартиш-лар киритиш тўғрисида"ги қонун лойиҳасини би-ринчи ўқишда кўриб чиқди.

Лойиҳа билан Ер кодексининг айрим модда-ларига ўзгартишлар киритилмоқда. Хусусан, ви-лоятлар, Тошкент шаҳар ҳокимларининг қишлоқ ҳўжалигига мўлжалланган ерларни ижарага бе-риш бўйича очiq электрон танлов яқунларини тасдиқлаш, ер участкаларини тўғридан-тўғри ижа-рага бериш, очiq электрон танлов натижаларини тасдиқлаш тўғрисидаги қарори билан жисмо-ний ҳамда юридик шахсларга ер участкаларини ижарага бериш ваколатлари бекор қилиняпти.

Мажлисда депутатларнинг фикр-мулоҳазала-ридан кейин қонун лойиҳаси қабул қилинди.

«Халқ сўзи».

Ўрганиш

Олий Мажлис Сенатининг Суд-ҳуқуқ масалалари ва коррупцияга қарши курашиш кўмитаси Сурхондарёда давлат идоралари томонидан олиб борилаётган ҳуқуқий тарғибот ҳолатини ўрганди.

СУРХОНДАРЁДА ДАВЛАТ ИДОРАЛАРИНИНГ ҲУЖЖАТЛАР ТАРҒИБОТИ БОРАСИДАГИ ФАОЛИЯТИ ҚАНДАЙ?

Маълум бўлишича, 2021 йилда вилоят адлия бошқармаси ва ту-ман бўлимлари томонидан қонун-лар, Президент Фармон ва қарор-лари, вазирлик ҳамда идораларнинг норматив-ҳуқуқий ҳужжатларини аҳолига етказиш ва тушунтириш бо-расида бир қатор ишлар амалга оширилган. Яъни йил давомида 26 минг 656 та тарғибот тадбири ўтказилган.

Қонунчиликдаги муҳим янгиликлар-ни аҳолига етказиш мақсадида 83 мингдан зиёд нусхада плакат, бук-лет ва флаерлар тарқатилган. Элек-трон оммавий ахборот воситаларида 16 мингдан зиёд тарғибот матери-аллари жойлаштирилган.

Шулардан келиб чиқиб, 9 та дав-лат органи ва ташкилот фаолияти на-мунали, 16 таси қоникарли ҳамда қол-ган 5 тасининг фаолияти қоникарсиз деб топилди.

Вилоятдаги 30 га яқин давлат идоралари ва ташкилотларининг жамиятда ҳуқуқий маданиятни юксалтириш борасидаги фаолияти таҳлил қилинди.

Унга қўра, вилоятдаги давлат органлари ва муассасалари томони-дан ўтган йилда жами 27 минг 113 та тарғибот тадбири ўтказилиб, омма-вий ахборот воситаларида 7 минг 692 та чиқиш қилинган, 17 минг 808 та озғак ҳуқуқий тарғибот тад-бири амалга оширилган.

Шулардан келиб чиқиб, 9 та дав-лат органи ва ташкилот фаолияти на-мунали, 16 таси қоникарли ҳамда қол-ган 5 тасининг фаолияти қоникарсиз деб топилди.

Ўрганиш давомида аниқланган шу ва бошқа камчиликларнинг аксария-ти жойида бартараф этилиб, қони-карсиз деб топилган ҳудудий давлат идоралари ва ташкилотларига тегиш-ли кўрсатмалар берилди.

«Халқ сўзи».

ХОТИН-ҚИЗЛАР МАНФААТИ Йўлидаги ЭЗГУ ДАСТУР

Мамлакатимизда хотин-қизларни ҳар томонлама қўллаб-қувватлаш, уларнинг фаоллигини ошириш, фаровон турмуш кечириши учун зарур шарт-шароитлар яратиш, шу орқали ҳаётдан рози бўлиб яшашларига эришиш учун кенг қўламли ишлар амалга оширилмоқда.

Гендер тенглик

Айниқса, сўнгги беш йилда гендер тенгликни таъминлаш-нинг қонунчилик ва институцио-нал негизини мустаҳкамлаш йўлида муҳим чоралар кўрилди. Биргина 2021 йилда 2030 йил-га қадар мўлжалланган Ўзбе-кистон Республикасида гендер тенгликка эришиш стратегияси қабул қилиниши давлатимизда гендер сиёсатини ривожланти-ришда муҳим босқич бўлди.

Чунки ушбу ҳужжатда бош-қарувда хотин-қизлар сонини кўпайтириш, гендер номуано-сиблигини камайтириш, таълим олишга имконият яратиш, хотин-қизларга нисбатан зўра-вонлик ва таъйиққа қарши ку-рашиш назарда тутилган.

Шунингдек, хотин-қизларни муносиб иш билан таъминлаш, қизларимизни олий таълим билан қамраб олиш даража-сини ошириш, уларни раҳбар-лик лавозимларига (жумладан, вақтинчалик квота тизими ор-қали) кўтариш, кам таъминлан-ган ва ижтимоий ҳимояга муҳ-тож аёлларни қўллаб-қувват-

лашдек мақсадлар акс этти-рилган.

Мамлакатимизда опа-син-гилларимизга қаратилган кўксак эътибор тўғрисида улар бугунги кунда жамият ҳаётининг барча жаҳасида фаол қатна-шиб, элу юрт тараққиётига ўзларининг муносиб ҳиссасини қўшмоқда. Ўзбекистонда хотин-қизларга оид давлат сиёсати-нинг ҳаётга изчиллик билан тат-биқ этилаётгани бу борадаги ислохотлар қўламини янада кен-гайтираётди.

Шу йил 1 март куни ўтка-зилган видеоселектор йиғили-шида хотин-қизлар учун янада кенг имкониятлар белгиланди. Ушбу вазифаларни тизимли ва самарали амалга ошириш мақ-садида Бош вазир ўринбосари лавозими қайта тикланди, Оила ва хотин-қизлар давлат кўми-таси ташкил этилгани оқилона қарор бўлди.

Республикадаги 9,5 мингга яқин маҳалла раисларининг хо-тин-қизлар ва оила бўйича ўринбосарлари ҳам кўми та-

зимига ўтказилди. Ҳар бир ма-ҳаллада хотин-қизлар фаоли лавозими янгидан жорий қилин-ди. Бу орқали опа-сингиллари-мизнинг муаммолари, дарду ташвишлари билан доимий шу-ғулланадиган самарали тизим яратилгани эътиборга молик.

Мазкур ислохотлар кўзлан-ган марранинг бир қисми, хо-лос. Ушбу эзгу мақсадлар Та-раққиёт стратегиясининг ҳам муҳим йўналишларидан бири ҳисобланади. Ушбу ҳужжатда хотин-қизларни қўллаб-қувват-лаш, уларнинг жамият ҳаёти-даги фаол иштирокини таъ-минлаш, гендер тенглик, банд-лик, таълим ва касбий кўник-маларга эга бўлиш каби ма-салаларга алоҳида ургу бе-рилган. Зотан, Тараққиёт стра-тегияси хотин-қизларимизнинг манфаати йўлидаги эзгу дастур, десак, муболага бўлмайди.

Қисқаса, давлатимиз раҳбари раҳнамолигида мамлақати-мизда амалга оширилаётган кенг қўламли ислохотлар нати-жасида ҳар бир соҳада аёллар фаоллиги ортиб, уларнинг жа-мият ҳаётинида иштироки йил сайин кенгайиб бормоқда. Ҳеч шубҳасиз, келгусида ҳам бун-дай эзгу ишлар изчил давом эттирилади.

Мавлуда ИБРАГИМОВА, Олий Мажлис Қонунчилик палатаси депутати.

Ўзбекистон минтақавий IT-марказга айланиши лозим

Тан олиш керак, бугун ахборот технологиялари иштирок этмаган бирор-бир соҳа қолмади. Чунки у тезкорлик, аниқлик ва замонавийлик нуқтаи назаридан соҳалар ривож учун қулайликлар яратмоқда. Хорижий компаниялар билан алоқалар, импорт-экспорт операциялари ҳамда товар айирбошлаш, маҳсулотни танлаш, етказиш ёки бозорни ўрганиш дейсизми, ҳуллас, ахборот технологияларисиз бирорта юмушни уздаб бўлмайди. Шунинг учун ҳам мамлакатимизда бу соҳа ривожига катта эътибор қаратилмоқда.

Фикр

Шу йил 14 апрель куни давлатимиз раҳбари раислигида ахборот техноло-гиялари соҳасидаги натижалар ва жор-ий йилги вазифалар муҳокамаси юза-сидан ўтказилган йиғилишда ҳам сўнгги йилларда бу соҳада инфрату-

зилмани яхшилаш, малакали мутахас-сислар тайёрлаш бўйича хизматлар сифати ва қўлами сезиларли ошгани таъкидлаб ўтилди.

Хусусан, аҳоли масканларини мо-биль интернет билан қамраб олиш да-ражаси 2017 йилда 30 фоиз бўлган бўлса, бугунги кунда 96 фоизни таш-кил этмоқда. Ёки 2017 йилда соҳадаги

экспорт ҳажми бор-йўғи 600 минг дол-лар бўлган бўлса, ўтган йили бу кўрсаткич 46 миллион долларга, жорий йилнинг биринчи чорағида эса 16 мил-лион долларга етгани алоҳида эъти-роф этилди. IT-паркларда 11 минг на-фардан зиёд ёшлар ишлаётгани, "Бир миллион дастурчи" лойиҳаси доираси-да ўқиб чиққан ёшлар соҳа келажиги учун мустаҳкам пойдевор яратаётгани мамнуният билан қайд этилди. Аммо бу ютуқлар баробарида, соҳада хали фойдаланилмаётган имкониятлар ҳам жуда кўп.

Айтилик, ҳудудларда оптик тола-ли интернет қамрови ва тезлиги бу-гунги талабга жавоб бермайди. Ма-гистраль автомобиль йўлларининг атиги 38 фоизи мобиль интернет бил-ан қамраб олинган. Соҳанинг ривож-ланиш ҳолати ҳудудлар кесимида бир

маромда эмас — IT-хизматларнинг 90 фоизи Тошкент шаҳрига тўғри ке-лади. Қорақалпоғистон, Андижон ва Сурхондарёда бу борадаги кўрсаткич-лар жуда паст.

Давлатимиз раҳбари бу ҳақда ай-тар экан, эндиликда барча тармоқ ва ҳудудларда рақамлаштиришни жадал-лаштириш зарурлигини таъкидлади. Тараққиёт стратегиясида рақамли иқтисодиётни драйвер соҳага айлан-тириш, IT-хизматларни 2,5 баробар ошириш ва экспортни 500 миллион долларга етказиш мақсади белгилан-гани алоҳида эслатиб ўтди. Бунинг учун Ўзбекистонни минтақавий IT-мар-казга айлантириш кераклигини таъкид-лади.

Бу ҳақда фикр юритганда, шуни айтиш жоизки, IT-паркларга кўпроқ компанияларни жалб қилиш, масо-

фавий хизматлар марказлари таш-кил этиш орқали яна 5 мингдан зиёд ёшларни юқори даромадли ишга жалб қилиш имконияти мавжуд. Бу-нинг учун "Рақамли Ўзбекистон — 2030" дастуридаги лойиҳаларни босқичма-босқич амалга ошириш талаб этилади. Бу борада жорий йил якунига қадар 404 та худудий ва 133 та тармоқ лойиҳ



Фестиваль



САНЪАТ ВА НАФОСАТ АНЖУМАНИ

Пойтахтимизда Ўзбекистон Бадий академиясининг энг йирик ва бетакрор мегалойҳаси — Халқаро анъанавий тасвирий ва амалий санъат фестивали бошланди. Унда нафис санъат ихлосмандлари, пойтахт меҳмонлари, моҳир рассом ва ҳунармандлар, ижодкор ёшлар қатнашмоқда.



Унда нафис санъат ихлосмандлари, пойтахт меҳмонлари, моҳир рассом ва ҳунармандлар, ижодкор ёшлар қатнашмоқда.

Шу муносабат билан ташкил этилган тадбирда мамлакатимизда маданият ва санъат ривожига, ёш иқтидорлар тарбиясига берилган эътибор мазкур фестивалда ҳам намоён бўлаётгани таъкидланди.

Фестиваль давомида юртимиз ва жаҳоннинг таниқли рассомлари, ёш ижодкорлар ўз асарларини кенг жамоатчиликка тақдим этяпти. Узро мулоқотлар янги гоёларнинг тугилишига, янги тасвирий санъат намуналари яратилишига туртки бўлмоқда.

Бундай нуфузли нафосат анжумани Ўзбекистонда давлатнинг қўллаб-қувватлаши билан ўтказилаётгани бизни жуда ҳайратлангирмоқда ва ҳавасимизни келтирмоқда, — дейди Жанубий Кореянинг Кемён университети халқаро ишлар бўйича проректори Ким Сон Чжон. — Бу Ўзбекистонда ёш иқтидорларни кашф этишга эътиборнинг яна бир юксак ифодасидир.

Фестиваль доирасидаги тадбирлар бугунги кунда Қорақалпоғистон Республикаси ҳамда мамлакатимизнинг барча вилоятларида старт олди.

«Халқ сўзи».



Ҳасан ПАЙДОЕВ олган суратлар.



...Жузқудуқ овули туман маркази — Учқудуқ шаҳридан 65 километр шарқда жойлашган. “Обод қишлоқ” дастури доирасида унга элтувчи йўл таъмирланиб, овулнинг ички кўчалари асфальтлаштирилди. Шунингдек, қишлоқдаги 2-умумтаълим мактаби ҳамда мактабгача таълим муассасаси филиали замонавий лойиҳа асосида бунёд этилиб, қишлоқ врачлик пункти капитал таъмирланди. Сал ичкарида эса эски боғча биноси олди оиллага уй-жой учун мослаштирилиб, кўркам кўринишга эга бўлди.

— Ҳар йили овулдошларимиздан кимдир кўчиб кетар, уларнинг уй-жойлари бузилиб, сотилар эди, — дейди “Жузқудуқ” овул фуқаролар йиғини раиси Майрамгул Жолғасбоева. — Мана, уч йилдан бери ҳеч ким кўчгани йўқ. Кўриб турибсиз, одамларимиз уй-жойларини таъмирлаб, ободонлаштирмоқда. Бу қишлоқдошларимизда эртанги кунга ишончи ортгани, давлатимиз кўрсатаётган гамхўрлик туфайли уларнинг ҳаётий муаммолари бартараф этилаётганидан далolat.

Фуқаролар йиғини раисининг эътирофида заррча муболага йўқ. Боиси шу пайтга қадар бу ерларга тараққиёт ютуқларидан фақат электр энергиясигина келтирилганди, холос. Бугун Жузқудуқда 12 каналдан иборат рақамли телевидение эфирлари йўлга қўйилган. Узок йиллар амалда бўлган рақия алоқаси ўрнини замонавий мобил алоқа тармоғи эгаллади. Натижада овул интернетга, мактаб эса “ZiyoNet” тармоғига уланди. Дарвоқе, овулда фойдаланишга топширилган мактаб ва мактабгача таълим муассасалари мebelдан тортиб ўқув жиҳозларигача, ўйинчоғидан идиш-товоғигача

тегишли қароридан кўзда тутилган имтиёзларнинг қўлланиши мактабга тўрт. Оилавий шифокор пунктига икки, МТМга бир нафар олий маълумотли мутахассис четдан ишга келишига, қишлоқдаги оилалар сони ошишига имкон берди.

...Учқудуқ туманидаги Қулқудуқ овулидан ўз ташвишига ечим истаб чиққан фуқаро Навоий вилоят марказига келиб-кейтиш учун қарийб 800 километр йўл босиб, камида уч кун вақт ва 150 — 200 минг сўмгача маблағ сарфлаши лозим.

— Биргина мисол, ҳудудимизда истиқомат қилаётган ёшлар оила қуришдан олдин ОИТС лаборато-

рияси таҳлилидан ўтиш учун Навоий шаҳрига бориб келар эди, — дейди “Қулқудуқ” ОФЙ раиси Сейит Юсупов. — Мана, ҳозир шундай лаборатория Зарафшон шаҳрида ишлаб турибди. Ёки бўлмаса, скрининг таҳлилини олайлик. Мобиль давлат хизматлари ҳам

шундай йўлга қўйилди. Яна бир гап, илгари овулларда врач, ўқитувчи етишмасди. Шароит ва имтиёз берилгач, улар ҳам келди. “Обод қишлоқ” дастури доирасида Қулқудуқда аҳолининг 134 та хонадони, мактаб, боғча ва овул шифохонаси тўлиқ таъмирланиб, маҳалла гузари, спорт майдони, болалар ўйин майдони ҳамда ҳаммом янгидан қурилди. Шунингдек, овулга элтувчи ва ички 21,7 километр автомобиль йўллари, 5,5 километрлик ичимлик суви тизими, 15,7 километрлик электр энергияси тармоғида таъмирлаш ишлари амалга оширилди. Аҳолининг газ таъминотидаги эҳтиёжлари эса тўлиқ ўрганилиб, қўшимча газ бал-

лонини ҳамда газ плиталари тарқатилди.

— Учқудуқ туманида 8 та маҳаллада суолтирилган газ таъминоти йўлга қўйилган, — дейди “Hududgaz Navoiy” газ таъминоти филиали матбуот хизмати раҳбари Зебо Кутлиева. — Жорий йилнинг биринчи чорагида истеъмолчиларга 92,5 тоннадан зиёд суолтирилган газ етказилди. 2021 йилда туманининг олис овулларидида истеъмолчиларнинг таъминоти автоматлаштирилган тизимга ўтказилиб, харид учун ID-карталар берилди.

Қизилқумда аҳоли бандлиги ҳар доим долзарб масала бўлиб келган. Ҳудуд хом ашё ресурсларига бой бўлса-да, транспорт ва муҳандислик-коммуникация тармоқларидан олислиги сабаб ушбу кенгликларда кичик ишлаб чиқаришга асосланган тадбиркорлик ривож топмас эди. 2017 йил 29 сентябрдаги “Навоий вилоятининг Томди, Учқудуқ, Қонимех, Нурота туманлари ва Зарафшон шаҳрини комплекс ривожлантириш ҳамда аҳолиси бандлигини таъминлашга доир қўшимча чора-тадбирлар тўғрисида”ги Президент қарори бу муаммоларга қайсидир маънода барҳам берди. Мазкур ҳудудларда мавжуд табиий хом ашё, меҳнат ва ишлаб чиқариш захираларини жалб қилган ҳолда ишлаб

чиқариш, хизмат кўрсатиш ҳамда қишлоқ ҳўжалиги маҳсулотлари етиштириш ва қайта ишлашни ташкил этиш ривожланмоқда. Мисол учун, Учқудуқда иш бошлаган “Green Group Uchquduq” хусусий корхонаси енгил саноат маҳсулотлари чиқиндиларидан декоратив гипс (девор безаклар) ишлаб чиқаришга ихтисослаштирилиб, ҳудудда рақобат муҳити яратилди.

— Туманимизнинг инвестициявий жозибадорлиги ортиб, ҳудудда ишбилармонлик учун қулай шaroит юзага чиқарилди, — дейди Учқудуқ тумани ҳоқими ўринбосари Отабек Рамазонов. — Ўзлаб тадбиркорларимиздан ташқари мамлакатимизнинг турли ҳудудларидан ўнга яқин юридик мақомдаги субъектлар туманимизда иш бошлагани эътиборга молик. Мазкур корхоналар томонидан йўлга қўйилган ишлаб чиқариш ички истеъмол бозоримизда соғлом рақобат муҳитини яратиб, нарх-наво арзонлаштиши ва барқарорлигида ҳам акс этмоқда. Масалан, “Ишонч Феруз” МЧЖ томонидан шлакоблок ва профнастил шифер ишлаб чиқаришининг ўзлаштирилиши (илгари Зарафшон ва Навоий шаҳридан келтирилган) мазкур маҳсулотларнинг нархини 10 — 15 фоизга арзонлаштирди. Таъкидлаш жоизки, бу, энг аввало, янги иш ўринлари яратилишида муҳим омил бўлмоқда.

...Қизилқумликлар мамлакатимиз ва ўзлари ҳаётидаги сўнгги янгилашилари табиатнинг уйғониши, кўкларнинг иноятига ўхшатилади. Боиси кўклам чўлга ҳар сафар олам-олам қувонч олиб келади. У баҳорнинг барча байрам шодликларига уйғунлашиб, қишдан хориган дилларга ажиб бир хушнудлик улашади. Олам яна яшил эканлигини кўз-кўз этиб, бийдай чўлдан гўзаллик топаётган кўнгилларни тоғдек кўтаради. Шу гўзаллик ардоғида она юртга муҳаббат гоҳи аён, гоҳи пинҳон улғаяди, улғаяверади.

Темур ЭШБОЕВ («Халқ сўзи»).

ЎЗБЕКИСТОН МУСУЛМОНЛАРИ ИДОРАСИ ВАКИЛЛАРИНИНГ АМЕРИКА ҚЎШМА ШТАТЛАРИГА САФАРИ БОШЛАНДИ

Халқимиз учун эзгулик, мурувват ва меҳр-оқибат рамзи ҳисобланган муборак Рамазон ойини муносиб ўтказиш мақсадида жорий йил 20 апрелдан 2 майга қадар ўзбекистонлик бир гуруҳ имом-хатибларнинг Америка Қўшма Штатларига ташифи ташкил этилмоқда.

Биз ва жаҳон

Мамлакатимизнинг АҚШдаги дипломатик вазокатхонаси ташаббуси ва Ўзбекистон мусулмонлари идораси билан ҳамкорликда амалга оширилаётган ушбу ташириф доирасида имом-хатиблар юртдошларимиз истиқомат қилаётган ҳамда таҳсил олаётган Американинг 6 та шаҳрида бўлади. Хусусан, 20 апрель кuni Вашингтон шаҳрига, 21 апрель кuni Филадельфияга, 22 апрель кuni Нью-Йоркка, 23 апрель кuni Цинциннатига, 24 апрель кuni Чикагога, 25 апрель кuni эса Орландога ташириф буюрилади.

Ўзбекистон мусулмонлари идораси вакилларининг ватандошлар, миллий диаспоралар етакчилари билан учрашувлари ҳамда маҳаллий масжидларда ислом динининг қадриятлари, радикализмга қарши

курашиш, АҚШда яшовчи ўзбек ёшлари ўртасида экстремистик гоёлар тарқалишининг олдини олиш ҳақида маърузалар билан чиқишлари кутилмоқда. Бундан ташқари, Ўзбекистон имом-хатибларининг АҚШ расмий, диний ва жамоат доиралари вакиллари иштирокидаги конфессиялараро ифторлик, шунингдек, юртдошларимиз ташаббуси билан қурилган масжидларнинг тантанали очилиш маросимларида иштирок этиши ҳам режалаштирилган.

Ўзбекистонлик имом-хатибларнинг АҚШга ташифи доирасида АҚШ Давлат департаменти, Халқаро диний эркинлик бўйича АҚШ комиссиясида учрашув ва музокаралар ўтказилиши кутилаётди. Шунингдек, америкалик эксперт ва жамоат-

чилик доираларини Ўзбекистонда диний бағрикенглик тамойилларини таъминлаш ва миллатлараро тотувликини мустаҳкамлаш учун амалга оширилган ишлар ҳақида хабардор қилиш мақсадида АҚШ Тинчлик институти таҳлил марказида брифинг уюштириш ҳам режалаштирилган. Ўзбекистонлик имом-хатиблар АҚШнинг Шарқий қирғоғида жойлашган, Америка мусулмонларининг асосий ибодат маскани ва Виржиния штатидаги 5000 дан ортиқ оилаларга хизмат кўрсатувчи АДАМС марказига боради ҳамда ушбу марказ билан ислом асослари ва араб тилини ўрганиш бўйича ҳамкорлики йўлга қўйиш масалаларини муҳокама қилади. Ушбу кенг қамровли ташириф давомида икки давлат диний идораларини вакиллари ўртасида тўғридан-тўғри ҳамкорлики йўлга қўйиш, академик алоқаларни кучайтириш, араб тилини ва ҳадис илмини ўқитиш борасида фикр алмашиш, америкалик зиёрат саёҳатчиларининг Ўзбекистонга сафарларини муҳокама қилиш ҳам кўзда тутилган.

«Дунё» АА. Вашингтон

ЭЪЛОНЛАР

ДИҚҚАТ, ТАНЛОВ!

Саноат чиқиндиларини қайта ишлашга инвестицияларни жалб қилиш мақсадида

«Yangi Angren IES» акциядорлик жамияти 2-КҚО (кул-қурум омбори) микросфераси (енгил фракцияли кул чиқинди) бўйича ягона харидорни аниқлаш учун танлов ўтказди. Бошланғич қиймати 1 200 000 сўм/тн.

2-КҚО (кул-қурум омбори) микросферасини (енгил фракцияли кул чиқинди) амалга ошириш шартлари ва маълумотларни корхонанинг расмий электрон веб-сайтидаги эълондан ёки қуйида кўрсатилган телефон рақамлари орқали олишингиз мумкин:

99-786-44-50, 71-236-14-12, 71-236-60-84. «Yangi Angren IES» АЖ маъмурияти.

КИЧИК НОВВОЙХОНА

керамик иситкичларда (тандир усулида)

Ишлаб чиқариш ҳажми, бир соатда:

- 1) Нон (лепёшка) — 60 та.
2) Булочкалар 15x15 см. — 108 та.
3) Сомса 12x12 см. — 128 та.
4) Пицца 45x45 см. — 20 та.

Электр энергияси истеъмоли сарфи — 8,4 кВт.

Ёнгинга хавфсиз, кучлиниш ўзгаришига мослаштирилган (фаза номуносаблиги).

12 ойлик кафолат.

5 йил бепул сервис хизмати кўрсатилади.

Нархи 10 миллион 950 минг сўм.

Мурожаат учун телефонлар: 95-169-68-51, 71-279-38-54.

ҲУРАМАТЛИ ТАДБИРКОРЛАР ВА ИШБИЛАРМОНЛАР!

Ўзбекистон Республикаси Экология ва атроф-муҳитни муҳофаза қилиш давлат қўмитаси Қашқадарё вилоятининг Косон (1-лот), Чироқчи (2-лот) туманларида ҳамда Сурхондарё вилоятининг Бандихон ва Қизилқум (1-лот) туманларида маъиший чиқиндиларни тўплаш, ташishi, саралаш ва қайта ишлаш хизматларини давлат-хусусий шериклик асосида амалга ошириш лойиҳаси юзасидан икки босқичли тендернинг биринчи босқичи (такроран) бошланганлигини эълон қилади.

Ўзбекистон Республикаси Экология ва атроф-муҳитни муҳофаза қилиш давлат қўмитасига, шунингдек, Давлат-хусусий шериклини ривожлантириш агентлигига ариза нусхаси (иловаларсиз), 2022 йилнинг 23 май соат 18.00 га (Тошкент вақти билан) қадар тақдим этилиши шарт.

Ўзбекистон Республикасининг “Давлат-хусусий шериклик тўғрисида”ги Қонуни 21-моддасига мувофиқ бир босқичли тендерда битим тузиш ҳуқуқи бўйича голибни аниқлаш учун талабгорларнинг тақдим этилиши лозим бўлган ҳужжатлар рўйхати ва тасдиқланган лойиҳа концепцияси ҳақида Давлат экология қўмитасининг eco.gov.uz ҳамда Молия вазирлиги ҳузуридаги Давлат-хусусий шериклини ривожлантириш агентлигининг pppda.uz расмий веб-сайтидан ёки қуйидаги манзил бўйича кўрсатилган алоқа воситалари орқали батафсил маълумот олишингиз мумкин.

Тендерда иштирок этиш учун аризалар, дастлабки малакани баҳолаш ҳужжатлари ёпиқ конвертда, муҳрланган, лойиҳа номи кўрсатилган ва Маиший чиқиндиларни тўплаш, олиб чиқиш кетиш, саралаш ва қайта ишлаш соҳасида давлат-хусусий шериклик тўғрисидаги битимни тузиш ҳуқуқи бўйича тендер голибни аниқлаш учун тендер комиссиясига деб ёзилган ҳолатда,

100043, Тошкент шаҳри, Чилонзор тумани, Бунёдкор шоҳқўчаси, 7-“А” уй. Телефонлар: 71- 207-07-70 (1072#, 5003#), 99- 016-17-56.

ҲУРАМАТЛИ ТАДБИРКОРЛАР ВА ИШБИЛАРМОНЛАР!

Ўзбекистон Республикаси Экология ва атроф-муҳитни муҳофаза қилиш давлат қўмитаси Қашқадарё вилоятининг Касби (3-лот), Қарши (4-лот), Миришкор (5-лот), Муборак (6-лот) ҳамда Шаҳрисабз (7-лот) туманларида маъиший чиқиндиларни тўплаш, ташishi, саралаш ва қайта ишлаш хизматларини давлат-хусусий шериклик асосида амалга ошириш лойиҳаси юзасидан бир босқичли тендер (такроран) бошланганлигини эълон қилади.

Ўзбекистон Республикаси Экология ва атроф-муҳитни муҳофаза қилиш давлат қўмитасига, шунингдек, Давлат-хусусий шериклини ривожлантириш агентлигига ариза нусхаси (иловаларсиз), 2022 йилнинг 23 май соат 18.00 га (Тошкент вақти билан) қадар тақдим этилиши шарт.

Тендерда иштирок этиш учун аризалар, дастлабки малакани баҳолаш ҳужжатлари ҳамда техникавий ва тижорий (молиявий) тақлифларни ёпиқ конвертда, муҳрланган, лойиҳа номи кўрсатилган ва Маиший чиқиндиларни тўплаш, олиб чиқиш кетиш, саралаш ва қайта ишлаш соҳасида давлат-хусусий шериклик тўғрисидаги битимни тузиш ҳуқуқи бўйича тендер голибни аниқлаш учун тендер комиссиясига деб ёзилган ҳолатда,

Ўзбекистон Республикасининг “Давлат-хусусий шериклик тўғрисида”ги Қонуни 21-моддасига мувофиқ, бир босқичли тендерда битим тузиш ҳуқуқи бўйича голибни аниқлаш учун талабгорларнинг тақдим этилиши лозим бўлган ҳужжатлар рўйхати ва тасдиқланган лойиҳа концепцияси ҳақида Давлат экология қўмитасининг eco.gov.uz ҳамда Молия вазирлиги ҳузуридаги Давлат-хусусий шериклини ривожлантириш агентлигининг pppda.uz расмий веб-сайтидан ёки қуйидаги манзил бўйича кўрсатилган алоқа воситалари орқали батафсил маълумот олишингиз мумкин.

100043, Тошкент шаҳри, Чилонзор тумани, Бунёдкор шоҳқўчаси, 7-“А” уй. Телефонлар: 71- 207-07-70 (1072#, 5003#), 99- 016-17-56.

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Бюртма Г — 448. 31 726 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

TELEFONLAR: Девонхона 71-233-52-55; Котибият 71-233-10-28; Эълонлар 71-232-11-15. Includes QR code and ISSN 2010-8784.

Тажрибятга келган қўбемалар тақриз қилинмайди ва муаллифга қайтарилмайди. Газетанинг етказиб берилиши учун обунани расмийлаштирган ташкилот жавобгар. Газета таҳририят компьютер марказида термиди ҳамда оператор М. Бегмуратов томонидан саҳифаланган. Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — Д. Каримов. Мусахҳиҳ — С. Исмолов.

“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. ЎЗА якуни — 22.08 Топширилди — 22.40 1 2 3 4 5 6

Халқ сўзи Народное слово

МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши